

SECCIÓN AMENA

¡BAPO ZIOK!

Jakiñarengañian
 arkitzen nak, Pachi,
 bei bat chit esnetsua
 dekala erosi;
 aĩn ederrikan guchi
 dirala ikusi
 eta bere meriyo
 diyotenez noski,
 esne tratu orretan
 itzanetik asi,
 ez omendez errial
 guchi irabazi.
 —Ala izan da ere
 jakiñ zak lenbizi
 lan ortan eznaubela
 iñork erakutsi.
 ¡Mutill ez nak orrekiñ
 batere miretsi,
 baña ditukanetik
 beste tretak utzi,
 makulkeriyoetan

izan biek nausi,
 bestela ¡lo niok! i
 orren ondo bizi?
 Ez diat chanchilla bat
 esne nai galazi,
 baña dekan ezkeru
 ainbeste malizi,
 ¿naidek nik esatia
 egunian, Pachi,
 zenbat pichar ditukan?
 —¡Zenbat!
 —¡Bederatzil!
 —¡Ja, ja! amar justubak!
 amar, ¡sobra guchi!
 —¿Ta zenbat saltzen dituk?
 —¿Saldu?... emeretzi.
 —Amar pichar esne ta
 saldu emeretzi?...
 ¡eztek zikulu saltsa
 makala ikasi!

V. IRAOLA.